

以奇用兵也天下大也何物大於天下虛空是也非無事不能虛空非虛空不能藏天下聖心無事故能取天下而納於一掬之中吾何以知其然哉以此道而知之一粒粟中藏世界是也夫天下人之所忌諱者死滅也乃動觸忌諱而死滅之期益促非民彌貧乎血氣用事者利器也不知利器乃戕性之斧斤愈令人愈暗而心迷情上生情者伎巧也不知伎巧乃戕性之么魔愈令人形逐而神馳繫心猿拘意馬者法令也不知法令乃招盜之淵藪愈令人三尸猖而六賊熾然則聖人將奈何我無為而民自化鍊精還氣也我好靜而民自正鍊氣還神也我無事而民自富鍊神還虛也我無欲而民自樸鍊虛合道也何以謂之富虛空中無所不有也何以謂之樸樸者渾然其未雕也精為民自化自正自富自樸者所謂水銀一味周流遍歷諸辰是也

上章無為無事使民自化寬大之治也故次之以其政悶

悶其民醅醅

順化章第五十八

其政悶悶

天然○無為寬裕

其民醅醅

自然○因寬民富

其政察察

使然○有為嚴謹

其民缺缺

不然○人貧

禍兮福所倚

禍福無門惟心自召

福兮禍所伏

損者

益也○忽福則禍必至

孰知其極

無有邊際

其無正

道無體○惟正可守

正復為奇

善復為詿

道不可識○心實難防

人之迷

昧其本性

其日固久

無始以來有生以後

是以

道藏輯要

太上道德寶章翼

三

心集四

聖人 我也 方而不割 圓通 廉而不剝 空寂 直而不肆 沖

○能曲全 光而不耀 中正 ○含畜其光天下化成復歸其明○  
而不狂直 王弼曰此皆崇本息末不改而使復之也

復圭子曰上行下效捷如影響天道好還無往不復悶悶猶  
昧昧似不明也醅醅是渾厚似無知也察察是吹毛求疵察  
見淵魚也缺缺是民不聊生欠缺處多也政悶悶者無得在  
我而有得在民故其民醅醅卓乎有古風政察察者所得在  
我而所失在民故其民缺缺救死不贍也政悶悶而民醅醅  
是禍兮福所倚政察察而民缺缺是福兮禍所伏始若為禍  
孰知終反為福始若為福孰知終反為禍可見禍福無正良  
由在人也正者反以為奇善者反以為詿是人之顛倒錯亂

道藏輯要

太上道德  
寶章翼

三

心集四  
X 8 1

不知禍福之正非禍福本無正也自聖王既沒後之為政者  
大抵以道化為迂濶而甘心於刑名鏗薄之術矣民之迷其  
日固久豈不信然是以聖人則不然方而不割寓正於通也  
廉而不剝藏清於渾也直而不肆真正英雄從戰競中來光  
而不耀如珠藏澤媚玉韞山輝也以此治人則政悶悶而民  
醅醅以此自治則至陰肅肅而至陽赫赫此皆從本息末不  
攻而復之也攝生之道無出此矣

政有寬嚴民由禍福禍福倚伏天人之間故次之以治人  
事天

守道章第五十九